

**2026-imi ukiakkut ataatsimiinnissap qaqugu pinissaata
aalajangerneqarnera**
(Inatsisartut Siulittaasoqarfiat)

Inatsisartut Suleriaasianni § 38, imm. 1-imi aalajangersarneqarpoq Inatsisartut ukiuat septembarimi tallimangornerit aappaanni aallartittartoq. Ukioq manna ulloq taanna tassaassaaq tallimangorneq septembarip ulluisa aqqarnat.

Ukiakkut ataatsimiinnerup aallartittarnera Inatsisartut suleriaasiata allangortinneqarnerani 22. december 2019-imeersumi § 1, nr. 7 naapertorlugu Inatsisartut ukiuata aallartittarneranut attuumassuteqanngilaq. Ukiakkulli ataatsimiinnerup Inatsisartut ukiuata aallartinnerata missaani pisarnera, nalinginnaasumik septembarip qiteqqunnerani tallimangornermi, ileqquuvoq.

Ukioq manna ullormi inatsisartut ukiuata aallartinnerani Inatsisartut ataatsimiinnerat aallartissappat Suleriaatsimi § 40 naapertorlugu tamatuma kingunerissavaa 2026-mi ukiakkut ataatsimiinnissamut oqaluuserisassatut siunnersuutinik tunniussivissaq kingulleq tassaassasoq tallimangorneq aggustip ulluisa 7-at 2026, nal. 12.00.

Ukioq manna upernaakkut ataatsimiinnerup kingusissukkut naammassineqarnissaa naatsorsuutigineqarmat Siulittaasoqarfiup inassutigaa 2026-mi ukiakkut ataatsimiinneq tallimangornermi septembarip ulluisa 18-ianni 2026 aallartissasoq, taamaalillunilu siunnersuutinik tunniussivissaq kingulleq tassaassalluni tallimangorneq aggustip ulluisa 14-iat 2026, nal. 12:00.

Tamanna akuerineqartutut isigineqarpoq, taamaalillunilu immikkoortoq naammassineqarluni.